

Хожа таомга ўтирса, ходим у билан ўтирадими?

05:00 / 03.03.2017 2665

Абу Ҳурайра розияллоҳу анҳудан ривоят қилинади:

«Расулуллоҳ соллаллоҳу алайҳи васаллам:

«Ходимингиз таомини олдингизга олиб келса, уни ҳам ўтиришга таклиф қилсин. Агар ходим ўзи бош тортса, таомдан бироз едириб қўйисин», дедилар».

Шарҳ: Таом олиб келган ходимга: «Кел, ўзинг ҳам ўтири, бирга еймиз» деб таклиф қилиш Ислом одобларидан экан. Агар ходим бирор сабаб билан бундан бош тортса ҳам, барибир таомдан озгина едириб қўйиш матлуб Исломий одатлардан экан.

Абу Маҳзура розияллоҳу анҳудан ривоят қилинади:

«Умар розияллоҳу анҳунинг ёнида ўтирган эдим. Сафвон ибн Умайя каттакон мис лаганда овқат олиб келди. Идишни бир неча киши абоъа кийимиға солиб кўтариб келиб, ҳазрати Умар розияллоҳу анҳунинг олдилариға қўйишиди.

Умар ўз атрофидаги мискин одамлар, қуллар, ходимларни чақирди.

Уларнинг барчаси у билан овқатланишиди. Шунда у:

«Аллоҳ ўз қуллари билан таом ейишдан юз ўғирган қавмни ундей қилсин, бундай қилсин», деди.

Шунда Сафвон:

«Йўқ! Аллоҳга қасамки! Биз улардан юз ўғирмаймиз. Лекин ўзимизни устун қўямиз, холос. Аллоҳга қасамки! Яхши таомдан ўзимиз еб уларга ҳам берадиганини топа олмаймиз», деди».

Шарҳ: Кўриниб турибдики, мўмин-мусулмон одам айниқса таом масаласида қулларни, ходимларни паст санамаслиги, аксинча таом пайтида уларни ўзига тенг кўриб, кўнглини олиши лозим.